

欽定四庫全書

提要

朱子讀書法四卷

儒家類

欽定四庫全書

孝經刊誤

宋 朱子 撰

仲尼間居曾子侍坐子曰參先王有至德要道以順天下民用和睦上下無怨汝知之乎曾子避席曰參不敏何足以知之子曰夫孝德之本也教之所由生復坐吾語汝身體髮膚受之父母不敢毀傷孝之始也立身行道揚名於後世以顯父母孝之終也夫孝始於事親中

欽定四庫全書

臣等謹案朱子讀書法四卷宋張洪齊同編洪字伯大異字充南皆鄱陽人事蹟無可考據洪自序咸淳中分教四明庶適客遊浙東遂相與商確是書而刻諸鄞津其書本朱子門人輔廣所輯巴川度正嘗屬遂寧于和之校刊鄱陽王氏復廣為後編洪與庶又因而補訂之以輔氏原本為上卷而以所續增者列為下卷皆以文集語類排比綴輯分門隸屬雖摭拾抄撮裨販舊文不足以言著述而條分縷析綱目井然於朱子一家之學亦可云覃思研究矣元時板已不存至順中江南行臺御史趙之維重鑄於集慶路學校永樂大典全帙收入原編卷次已不可考今酌

定庫書

孝經刊誤

陰符經考異

欽四全

周易參同契考異 朱子讀書法

中國書局

宋·朱熹 撰
宋·張洪 齊熙 編

孝經刊誤·陰符經考異
周易參同契考異·朱子讀書法

中國書店

圖書在版編目 (C I P) 數據

孝經刊誤；陰符經考異；周易參同契考異；朱子讀書法 / (宋)
朱熹撰，(宋)張洪編。—北京：中國書店，2015.8
ISBN 978-7-5149-1283-8

I. ①孝… II. ①朱… III. ①家庭道德—中國—古代
②《孝經》—校勘③道教—氣功④《陰符經》—研究⑤道
家⑥《周易參同契》—研究 IV. ①B823.1②B223.05
③B234.995

中國版本圖書館CIP數據核字(2015)第099241號

K2

2231

定書版印開印郵地	出版發行	作者	文津閣四庫全書·孝經類
價號次張本刷編址	中國書店	宋·朱熹撰	道家類
	北京市西城區琉璃廠東街一一五號	宋·張洪 齊熙 編	儒家類
	一〇〇〇五〇		
	北京中創彩色印刷有限公司		
	710毫米×1020毫米 1/16		
	26.75		
	二〇一五年八月第一版第一次印刷		
	ISBN 978-7-5149-1283-8		
	七八元		

詳校官編修_臣吳錫麒

臣紀昀覆勘

孝經刊誤

一卷

宋·朱熹撰

一

陰符經考異

一卷

宋·朱熹撰

二九

周易參同契考異

一卷

宋·朱熹撰

六三

朱子讀書法

四卷

宋·張洪齊魚編

一五五

欽定四庫全書

經部六

孝經刊誤

孝經類

提要

臣等謹案孝經刊誤一卷宋朱子撰書成於
淳熙十三年朱子年五十七主管華州雲臺
觀時作也取古文孝經分為經一章傳十四
章刪舊文二百二十三字以朱子語錄考之
黃齋記云孝經除了後人所添前面子曰及

後面引詩便有首尾又云順則逆民無則焉是季文子之詞言斯可道行斯可樂一段是北宮文子論令尹之威儀在左傳中自有首尾載入孝經都不接續全無意思又葉賀孫記云古文孝經有不似今文順者如父母生之續莫大焉又著一個子曰字方說不愛其親而愛他人者謂之悖德此本是一段以子曰分為二恐不是又輔廣記云孝莫大于嚴

父嚴父莫大于配天豈不害理如此則須是
如武王周公方能盡孝道尋常人都無分豈
不啟人僭亂之心是朱子詆毀此書已非一
日特不欲自居於改經故託之胡宏汪應辰
耳陳振孫書錄解題載此書註其下曰抱遺
經于千載之後而能卓然悟疑惑非豪傑特
起獨立之士何以及此此後學所不敢仿效
而亦不敢擬議也斯言允矣南宋以後作注

者多用此本故今特著於錄見諸儒淵源之
所自與門戶之所以分焉乾隆四十九年閏
三月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

孝經刊誤

宋 朱子 撰

仲尼間居曾子侍坐子曰參先王有至德要道以順天下民用和睦上下無怨汝知之乎曾子避席曰參不敏何足以知之子曰夫孝德之本也教之所由生復坐吾語汝身體髮膚受之父母不敢毀傷孝之始也立身行道揚名於後世以顯父母孝之終也夫孝始於事親中

於事君終於立身大雅云無念爾祖聿脩厥德子曰愛親者不敢惡於人敬親者不敢慢於人愛敬盡於事親而德教加於百姓刑于四海蓋天子之孝甫刑云一人有慶兆民賴之在上不驕高而不危制節謹度滿而不溢高而不危所以長守貴滿而不溢所以長守富富貴不離其身然後能保其社稷而和其民人蓋諸侯之孝詩云戰戰兢兢如臨深淵如履薄冰非先王之法服不敢服非先王之法言不敢道非先王之德行不敢行是

故非法不言非道不行口無擇言身無擇行言滿天下
無口過行滿天下無怨惡三者備矣然後能守其宗廟
蓋卿大夫之孝也詩云夙夜匪懈以事一人資於事父
以事母而愛同資於事父以事君而敬同故母取其愛
而君取其敬兼之者父也故以孝事君則忠以敬事長
則順忠順不失以事其上然後能保其爵祿而守其祭
祀蓋士之孝也詩云夙興夜寐毋忝爾所生子曰用天
之道因地之利謹身節用以養父母此庶人之孝也故

自天子以下至于庶人孝無終始而患不及者未之有也

此一節夫子曾子問奮之言而曾氏門人之所記也
疑所謂孝經者其本文止如此其下則或者雜引傳
記以釋經文乃孝經之傳也竊嘗考之傳文固多傳
會而經文亦不免有離析增加之失顧自漢以來諸
儒傳誦莫覺其非至或以為孔子之所自著則不可
笑之尤者蓋經之首統論孝之終始中乃數陳天子

諸侯卿大夫士庶人之孝而其末結之曰故自天子
以下至於庶人孝無終始而患不及者未之有也其
首尾相應次第相承文勢連屬脈絡通貫同是一時
之言無可疑者而後人妄分以為六七章

今文作六
章古文作

七章

又增子曰及引詩書之文以雜乎其間使其文意

分斷間隔而讀者不復得見聖言全體大義為害不
細故今定此六七章者合為一章而刪去子曰者二
引詩者四凡六十一字以復經文之舊其傳文之失

又別論之如左方

曾子曰甚哉孝之大也子曰夫孝天之經地之義民之行天地之經而民是則之則天之明因地之義以順天下是以其教不肅而成其政不嚴而治先王見教之可以化民也是故先之以博愛而民莫遺其親陳之以德義而民興行先之以敬讓而民不爭導之以禮樂而民和睦示之以好惡而民知禁詩云赫赫師尹民具爾瞻此以下皆傳文而此一節蓋釋以順天下之意當為

傳之三章而今失其次矣但自其章首以至因地之
義皆是春秋左氏傳所載子太叔為趙簡子道子產
之言唯易禮字為孝字而文勢反不若彼之通貫條
目反不若彼之完備明此襲彼非彼取此無疑也

子產

曰夫禮天之經地之義民之行也天地之經而民實
則之則天之明因地之性其下便陳天明地性之目
與其所以則之因之之實然後簡子贊之曰甚
哉禮之大也首尾通貫節目詳備與此不同

其曰

先王見教之可以化民又與上文不相屬故溫公改
教為孝乃得粗通而下文所謂德義敬讓禮樂好惡

者卻不相應疑亦裂取他書之成文而強加裝綴以
為孔子曾子之問會但未見其所出耳然其前段文
雖非是而理猶可通存之無害至於後段則文既可
疑而謂聖人見孝可以化民而後以身先之於理又
已悖矣況先之以博愛亦非立愛惟親之序若之何
而能使民不遺其親耶其所引詩亦不親切今定先
王見教以下凡六十九字並刪去

子曰昔者明王之以孝治天下也不敢遺小國之臣而

況於公侯伯子男乎故得萬國之懽心以事其先王治
國者不敢侮於鰥寡而況於士民乎故得百姓之懽心
以事其先君治家者不敢失於臣妾而況於妻子乎故
得人之懽心以事其親夫然故生則親安之祭則鬼享
之是以天下和平災害不生禍亂不作故明王之以孝
治天下如此詩云有覺德行四國順之

此一節釋民用和睦上下無怨之意為傳之四章其
言雖善而亦非經文之正意蓋經以孝而和此以和